


18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45


345-60

855



石經閣金石  
跋文

金爾珍題



光緒丁亥孟秋  
行素州堂藏板

石經閣金石跋文

嘉興馮登府雲伯箸

商丁父尊跋

吳縣朱記榮校刊



槐廬叢書

銘云子父商彥貝三朋用亡丁父尊彝爲劉燕庭水  
部喜海所贈拓本釋之曰留从父公羊傳云古者鄭國  
處於留周人有留子嗟留子國見王風邱中有麻詩毛  
傳後爲劉康公劉文公食采于此子留當卽子嗟之裔  
周有留君簠此其類也小臣繼彝錫貝五朋遽伯鬯彝  
用貝十朋又三朋王家彝貝三朋此器亡貝彝並同江  
侍御德量曰銘用貝此碑陰記出錢之祖余考鍾鼎文  
有書賜貝者重君所賜也但書貝者非君錫之也商彥

者人名子留以商彥貝亡器也

那未鍾跋

銘文在鈺四行行八字文曰那未母曰髀叔文祖皇考對揚乃德昇屯用魯承終于吉母不敢弗帥用文祖皇考三十二字又文在左鼓十字惟和秉錫母魯鬯長七字可辨積古齋據趙晉齋脫本無此十字亦疑詞意未畢午是用字阮氏釋為祚失之此器今為劉吉甫太守所藏以拓本詒余因記

周號叔大林鍾跋

右號叔大林鐘以億倮尺度之欒高一尺七寸鼓相距一尺八寸三分舞高六寸五分鈺高八寸三分旋蟲高

六寸五分與阮芸臺宮保所藏銘詞無異特器畧輕銑有鳧形為稍殊耳鳧取周官鳧氏為鐘之義景王始鑄大林號亡已久不應有此曹惠字號姜敦正亡此字應疑嗣之省陳均釋作勿未確旅諸家多訓作衆攷鐘鼎文每稱旅亦假作魯字秦和鐘以受毛魯多釐董道曰魯古文旅書序公既得命禾旅天子之命史記作魯天子之命漢有旅鼎即魯鼎是也此鐘下文云魯休則旅當是號叔名也刑法之刑从井刑到之刑从开莖即儀型字帥率之假字聘禮帥大夫注古文帥作率觀禮注今文帥為率敢嗣帥型即所謂儀式型文王之典也屯純之省號姜敦屯佑通彖盟和鐘屯魯多釐皆是攸修

之省凡鐘皆以和名所謂垂之和鐘是也江氏沅釋爲和較之和鑿矣此鐘得見於墨卿太守令子念曾處因手拓一通以冠閩中金石之首

周戎都鼎跋

鼎亦叔未所藏釋文云戎都亡旅鼎用句僞魯祀用妥着兼用亡文考宮伯寶尊彝積古齋釋云戎都亡器者氏與名都一釋亡諸說文云祀以豚祠司命从示比聲漢律曰祠祀司命此从示从示者比从二人北亦从二人特形有向背之異史記天官書隋北端兌之北漢天文志作比二文每以形似通假爲祀字無疑僞舉也僞魯祀猶言舉吉祭也妥古綏字余案或字下从土齊

侯罇鐘有或字卽國字說文或邦也从口从戈从一一守地也从土是後人所加卽國字之省亦卽域字有字詳見余三家詩攷香卣文作米說文古文番作𠄎卽番字亦亡邠潘字路史虞氏後有番國字从米从田此从口者省漢縣屬魯國番卽鼎下云魯宗正合邠卽嵐之變番屬魯故僞魯宗文考也旅鼎亦作魯鼎古魯旅通字泰和鐘以受毛魯多釐董道曰魯古文旅

周遺小子敦跋

積古齋有此器釋云遺小子𦰇以其友作招男王姬𦰇鼎云小子父在之僞𦰇其名以與也與其僚友爲招男王姬亡器蓋招男之配遺氏招國經傳無徵或釋作召

然召於周爲同姓不當取王姬韎从末汗簡古末字亡  
平此亡五省文也余案敦文刊化字卽貨字虞書懋遷  
有無化居卽貨居呂刑惟貨惟來古文作惟化可證以  
其貨亡尊彝者鐘鼎文每言王錫金百爰錫貝五朋用  
作寶彝卽此義也若云以其友則不辭矣招敦文晉已  
西戌命彝亡鬻招父丁爵作鬻晉姜鬻作鬻

周瞿癸敦跋

敦爲長白斌太僕良得之津門市有蓋無器自來金石  
家所未錄其文曰唯十有二年三月旣望霸丁亥王在  
寒恤宮王呼吳師告大錫趨瞿癸里王命善夫奐曰趨  
卽癸曰余旣錫爾乃里卽癸賓奐章帛束卽癸令奐曰

天子余弗敢焚事以卽癸稽首大汜里大賓賓奐寵章  
衆兩賓卽癸寵章帛束再拜稽首敢對揚天子不顯休  
用亡朕皇考烈伯父尊敦其子子孫孫永寶用古文奇  
逸都百十六言余按獸趨字趣馬也詩十月之交蹶惟  
趣馬萬惟師氏仲允膳夫竝王之近臣善夫卽膳夫趣  
馬只稱趣者如師遽敦師氏但曰師頌敦冢宰但曰宰  
允簠牧人虞人但曰虞牧也卽癸臣名商有瞿父卽瞿  
祖丁尙字竝作卽癸殆其氏族以癸名者當是商末  
周初之人里者錫之地也汜卽錫字吳師卽虞師焚事  
卽僨事竝古通假兩賓善夫吳師也

周吳彝跋

彙爲趙謙士侍郎所藏劉燕庭水部拓以見餉共百二字積古齋釋之詳矣惟吳當作虞古吳虞通字文王之子也乘疑秦字秦車彫車也匱冕字說文亡覓牧敦寅簋竝有冕字一亡匱一亡匱正同故與東裏同列甬周官冕氏舞上謂之甬集古錄有谷口銅甬

周率伯尊敦跋

敦爲張解元廷濟所藏蓋失張釋文云唯十月初吉甲戌惠作朕文考率伯尊敦惠其萬年子子孫孫永寶用案阮宮保元積古齋本率釋作允考盪和鐘有殆字正作允釋爲率非矣

漢瓦當跋

瓦文云駘湯萬年湯卽盪之假臺名張衡西京賦駢斐駘盪薛綜注皆臺名是也陽文奇古爲孫淵如觀察所未錄海昌許孝廉珊林以拓本詒余於京師又一瓦云千秋長安四字作回環讀亦罕見也

地節二年買山碑跋

右文云地節二年八月巴州民楊董置山直錢千百作叢芻子孫永保其多福八分書廿七字蜀中摩厓近有人攜歸吳興按地節爲西漢宣帝最所稀見此碑尤爲金石家所未著錄楊董當是二姓合買一山作義冢也揚不從木旁詩揚之水漢石經作楊知古文通董從董與隸續所載董氏洗合民間之不昧六書如此古人作

器每計錢數延光銅壺直錢萬二千太康瓦券直錢四百萬皆其例也洪氏頤煊釋作元年正月誤

天鳳三年碑跋

碑長一尺二寸廣二尺四圍有文似蜀師磚嘉慶丁丑鄒人得之於卧虎山前文云始建國天鳳三年二月十三日萊子侯爲支人爲封使者偕子食等田百余人後子孫母壤數人分似開道碑文古質蓋封田贍族勒石以示子孫者閱二千餘年始出土今在孟廟余庚辰出都曾親撫之石光如鏡字甚淺旁有滕七四老人顏逢甲同鄒縣孫生容王補仲題識記出土年月按萊本商國廣韻漢有東萊郡又姓晉有萊駒萊子侯無考偕卽

諸之變文蔣丈伯生以秦刻十字同詒因記於復初九菴

劉熊碑跋

酸棗令劉君陽碑久佚翁覃溪據江秋史雙勾本圖其存者凡廿二行復以汪容甫宋拓殘本及巴雋堂雙鈎本合凡二百四十二字多出洪氏隸釋九字考唐王建題此碑詩蒼苔蝕字土埋龜風雨消磨絕妙詞知此碑唐時已殘缺竹垞從鄭谷口借觀不及百字隸法奇古驚爲絕品者也孫淵如訪碑錄亦卽巴氏本今天一閣本上下兩截中斷上截十五行每行約廿四字共一百廿二字缺後七行下截廿二行共一百零七字碑後謠



言三章已缺共三百餘字首尾皆全但字畫間多明滅處考是碑後人無繙本天一閣碑向得之豐氏萬卷樓類多宋以來所藏之物豈非宇宙所僅見者耶又閣中尙有圍台趙君碑字尙清晰惜紙爛不能重舉又有侯成玉純二碑皆明以來諸家所未著錄余旣鈎劉熊碑分贈洪銜軒蔣伯生二丈他日當并鈎之亦石墨奇緣也

吳大安寺鐵香爐跋

右大安寺鐵香爐銘搨本吾友朱寄園客豫章歸拓以見餉爐共六層上一層三面有字北面十四行三十字至十四字西南面七行東西面十一行二十字或十一

二字第二層惟南面有字三十六行第三層足下有二人名第四層無字第五層蓮花瓣上通著五字東北面有八名二行下一層八面並人名銘有惟吳太和五年歲次癸巳七月乙亥朔十五日己丑鑄重一萬二千觔於大安寺大殿承充供養云云共八十一字中有十字不可辨皆正書陽文竹垞檢討曾得拓本於三山市上跋云大安寺不載於金陵梵刹志疑此爐尙存蓋以寺在金陵不知在南昌也而江西通志載大安寺在省城北有鐵香爐高六尺許識云吳赤烏元年造其爐不知亡于何代而此爐獨不載據寄園言寺中惟此一爐豈志有誤耶又考寺爲晉謝尚捨宅在赤烏後則不應先

有此爐赤烏是太和之誤無疑矣當修志時但據傳聞致有是失志乘之不可徵信如此王司寇金石萃編亦考之未審耳又爐腹積水不竭清冽中茗飲寺人名曰爐泉亦寄園云

唐開成岳林寺造象題名跋

奉化岳林寺大中塔記僅存六行餘此造象題名在塔下爲大中之前自來金石家所未錄文十五行行三字正書其文曰□□□通殘以□此□□弟子劉欽慕統疑雕刻塑淨時開成三年歲次戊午七月廿五日庚辰住持僧口胄書匠應成戊午誤作戊午書法絕似蘇靈芝蓋方外之工入法者甯波府曹志謂岳林之名自宋

大中祥符始改觀此益知其誤矣道光癸巳八月六舟僧親訪得以詒余補兩浙唐刻之佚云

唐摹蘭亭跋

右蘭亭二本刻于石之面背者嘉靖間爲吳門黃氏所得用古樣箋精搨售一貴人以獻分宜後潢者有所索不遂發其事黃氏亦由是得罪窮死其子景星攜石隨其女嬖嫁慈溪姜太常遂歸姜氏据西漢跋一爲京師本低一字者爲高麗本唐摹之至精者曾以贈竹垞有跋載曝書亭集今爲我禾汪駒卿所獲徐問蘧拓以見餉細審此本悲夫上有良可二字以墨規塗去夫本作也不知老之將至不上旁注曾字以鈎磔識之後來繙

本竟作僧字姜堯章謂爲徐僧權押縫古石本僧字上  
又有一察字當是姚察觀此知其說之妄又如向之本  
作於今斯文文字本作作皆卽其誤而改之筆蹤清晰  
可辨俱各本所無蓋經數百年傳刻愈多而愈失其真  
非此不足見繭紙故跡也得是本而東陽穎上諸本可  
廢矣竹雲題跋載西溟尙有南宋集聖教序蘭亭本此  
虛舟妄言卽此本耳甲午秋八月用晉永和六年磚硯  
書

唐象山縣蓬萊觀碑跋

右大中二年金陵孫諫卿撰清河具洽該八分書道士  
王方外篆額乾隆己丑邑人于蓬萊山下發土得之移

立學宮明倫堂左以亭覆之曰寶貝王象之輿地碑目  
載此碑二年作元年又作栖霞觀碑按宋以前稱蓬萊  
栖霞爲宋所改王氏殆未經目驗故有此失又碑右側  
有紹聖二年吳郡丁執文福唐林瑋四明俞夔同酌鍊  
丹泉正書題名左側有熙甯壬子譙郡高士安金陵李  
維會稽石景亮建安黃顏明年正月睿達與口中次武  
宋下題名皆王氏所未及貝洽該書學元宗此碑墨跡  
曾入御府見宣和書譜楊慎墨池瓊錄載古人能書云  
唐有貝靈該按黃本紹韻會引千家姓韻譜云貝氏清  
河望晉有術士貝靈該則靈該屬晉人此碑書洽該足  
正其誤碑稱神龍之初縣肇名剞口詔屬于台及廣德

二年爰移于明按之地志皆合觀廢于隋至唐肅皇時  
縣令楊宏正重建有台守袁仲宣刺史李敬方郡督郵  
劉操等名攷赤城志郡守題名有袁光孚天寶至廣德  
間任光孚或卽仲宣李敬方有喜晴詩自注時左遷台  
州刺史見天台集題名俞夔字堯臣象山人曾佐舒亶  
平寇者見樓攻媿集道光辛卯余親搨之可識者得六  
百五十餘字波桀生動似韓擇木梁昇卿洵唐隸之佳  
者

唐石壁寺鐵彌勒像頌跋

碑爲太原府參軍房嶙妻渤海高氏書集古錄曰婦人  
之書唯此高氏一人其書刻石存於今者惟此頌與安

公姜政頌爾案金石錄載周昇仙太子碑武后撰并書  
薦福寺碑天后飛白題額崇福寺碑武后題額見唐代  
名畫記貴妃楊氏有書心經一卷見貴耳集婦人書碑  
指不勝數文忠殆未深攷

唐韓利墓誌跋

志稱昶有男五人曰緯前復州參軍次曰綰曰緄曰綺  
曰紀舉進士考唐書宰相世系韓愈子昶昶子綰字持  
之衮字獻之而不及緯綺紀此可補其缺矣唐書宰相  
表以孫爲子以弟爲兄合三族爲一舛譌甚夥吾鄉沈  
東甫訂譌最爲精核然金石中可補史傳至爲可信東  
甫亦未之及耳

唐司徒觀察陳巖墓志跋

案碑約高三尺二寸寬二尺字徑圍五分篆額橫列類  
川郡陳府君墓誌八字分四行行二字碑分二十六行  
行四十八字下截多漫漶志所稱廉使滎陽公鑑夙慕  
英風累治口畫請爲都團練副使仍判清源又云三發  
疏章請口交代證以十國春秋皆合至所云登口則神  
鬼宵奔揮劍則櫬槍盡落卽指擊破李連一事又巖卒  
五代史作景福元年閩申實錄作大順中十國紀年作  
大順二年通鑑十國春秋從之昭宗實錄在明年三月  
墓志作大順三年正月考大順止二年實錄作明年爲  
景福元年惟三月乃正月之誤墓誌當得其實志云夫

人錢唐范氏有女二人一適鄭一適董足證新唐書薛  
史閩書閩中錄以范暉爲巖婿之誤林仁志王氏啟運  
載監軍程克諭表云暉爲巖妻弟十國春秋據此惜未  
見此志也又志稱厝於閩縣敦業鄉太平里諸史及三  
山志皆不言所在明一統志又閩通志閩書皆云在建  
甯皆沿王象之輿地紀勝之誤此足正其非矣子三人  
一延口守閩縣尉孫男三人長肇任爲長樂令賜緋魚  
次守漳州刺史皆舊志職官所不載惜泐其名黃璞字  
德溫侯官人大順二年進士官崇文館校書郎碑立於  
景福不書官俛前進士者從始階也亦漢碑之例

唐黃滔蒲山靈巖寺碑銘跋

攷黃志靈巖廣化寺在鳳凰山下梁陳問邑儒鄭露家  
焉俄有神人鶴髮麻衣夕見於堂請易爲佛刹露拜而  
諾之永定二年爲金仙院隋開皇九年陞爲寺唐景雲  
二年賜額靈巖柳公權書扁黃滔有靈巖寺碑宋太平  
興國改賜廣化案十國春秋天祐二年夏四月藏佛經  
於壽山凡五百四十一函總五千四十八卷碑云繕經  
五千卷於茲華剏藏而藏是也碑作春二月稍異又案  
林藻字緯乾貞元七年進士林蘊字夢復貞元四年以  
明經及第並披子初爲固始人後居莆田碑所謂皆中  
殊科也藻省試合浦還珠賦彙成假寐見人語之曰何  
不賦珠去來藻寤援筆修之果中第及見主司杜黃裳

曰敘珠去來豈有神助耶見閩川名士傳碑所謂賦有  
神授之名也歐陽卽詹任四門助教藻德宗時爲嶺南  
節度副使蘊始爲推官後遷禮部員外郎出爲邵州刺  
史郝志竝失攷文江舉乾甯二年進士皆嘗讀書靈巖  
者也

唐阿育王寺常住田碑跋

右碑在鄞縣阿育王寺舊碑爲趙州刺史徐嶠之書唐  
太和七年順陽范的重書前秘書省正字郎萬齊融撰  
文碑文後有明州刺史于季友後記又有于季友范的  
五言倡和詩二首碑首題越州都督其時未置明州鄞  
縣尙屬越州爲都督府所轄也萬齊融見舊唐書賀知

章傳云神龍中知章與越州賀朝萬齊融等以吳越之士知名又云朝萬止山陰尉齊融崑山令以萬字屬上文作賀朝萬浙江通志作齊萬融據碑足以知其誤竹垞宋氏跋已言之惟跋云記在碑陰則未考也按萬歷乙酉郡守蔡貴易命育王寺僧於妙喜泉水中得唐常住田碑其陰卽張九成妙喜泉銘見宸奎閣碑跋是碑當萬歷始出故今字畫完好記在碑末非碑陰也王司寇金石萃編亦未辨正蓋皆未經目驗也壬辰夏予親至山中搨得歸而跋於一朵山房

唐湯華墓志跋

右唐福州候官縣丞湯府君墓志在鄞縣東一都湯君

廟鄉貢進士林瓊述正書無書人名唐大中十二年十一月立華字知新曾調授福州候官縣丞終于連江客第碑不言里居墓今在鄞縣碑云歸塋明州則爲明州人矣考湯華新舊唐書無傳福建通志職官亦遺其名予在甬親拓此碑以一通寄閩中陳恭甫侍御以補通志之佚王氏金石萃編載此志脫十字誤一字蓋未見原搨也今據以補正王氏云葬于龍山鄉江上里庚向之原は今堪輿家羅經之術始見于此不知漢馬江碑已有庚向之稱不始于唐矣壬辰九日書

唐聚府君墓誌跋

右唐太和六年聚府君墓誌碑刻近日出土沈司訓銘

彙編以詒余以補萃編之遺按志府君諱慶字文悅焉  
邠人太和六年青龍在壬子九月廿七日終蘇州嘉興  
縣進思鄉私舍春秋五十祖絜曾祖瑀父達家諫具述  
不書也公卽達長子也志操孤峙孝友無先雖不夢奠  
之徵忽生鞋履之別娶陸氏有子二人長葑次允孚女  
一人偕血液極左扶度間於筮兆當年十月廿六日封  
當縣南甘露鄉崇福里祖墳禮也恐煙峯及巨溟變改  
請文勒石詞曰悲鴻驚月啼霜天寒雲長夜斗牛懸嗣  
子哀啼望不返令問遺風光萬年佳城虎踞龍左盤刊  
文勒銘金石堅正書不俗無缺文首題諸葛竚撰無書  
人名考嘉興隋始屬蘇州唐太宗因之爲江南道志與

唐書合進思崇福皆可補志之佚銘詞七言六句亦翔  
見也道光丙申六月記於勺園

天一閣泰山刻石跋

泰山秦刻世無石本宋慶歷間江隣幾宋莒公會翻刻  
亦少流傳大觀中劉跂親至山頂拓得二百二十三字  
爲泰山篆譜明北平許口僅得廿九字乾隆戊午燬於  
火近蔣伯生從廢池中得殘石二片僅去疾臣請等十  
字孫退谷所得亦廿九字而已今閱天一閣碑目有此  
種暇日至閣遍查不得主人范桐齡云錢竹汀編碑目  
時曾屬張芑堂摹刻一本竹汀有跋石藏于家始恍然  
于原本之不復見矣其翻摹石本異日當索之不知與



洪筠軒本何如也

洪本從絳帖中摹出

五鳳二年石刻跋

漢魯孝王五鳳二年石刻獨竹垞朱氏以爲磚刻金石家皆以爲誤按曝書亭詩文集竝以爲磚疑非偶然致誤偶閱葉氏金石錄補云周櫟園惠余五鳳二年拓本云某所藏較俗本迥異予至廟下攜以相較果然或曰櫟園官山左時有人翻刻此石易原石去據此則是刻非一或原刻是磚後易以石竹垞所見是磚本耳今所傳非其真矣未可遽以爲誤也

金石經跋

金朝石經存堯典舜典大禹謨至格汝禹朕宅帝位止

以下闕行書似懷仁集聖教序每行十字十二三十字首標堯典舜典八分書嚴厚民得之趙晉齋從揚本鈎出贈余者其堯典第一下標孔氏傳與蔡氏集傳本不殊其間磨滅者十字如堯典宅嵎夷之嵎寅賓出日之日以殷仲春之以鳥獸孳尾之孳平秩南訛之平鯨哉之哉舜典至於北岳之北用特之特大禹謨俾勿壞之壞時乃功之功少異者三字堯典莽三百六旬有六日莽作期弗哉之弗無口旁舜典二十有八載作廿有八載餘皆同注疏本考明一統志言金國子學碑二在舊燕城南于奕正曰金石經刻春秋禮記今磨滅不完據王暉修理大都南京石經事狀則當時所刻有九經刊琢

極精近年以來舉皆散亂理合修立以彰國容云云安  
世鳳說正隆四年耶律隆曾修宋嘉祐石經而金石經  
之立於何年書於何人皆無可考疑當時所修立者卽  
北宋所立國子學者然不可知矣

唐新羅國石南山國師碑記跋

碑立於顯德元年七月末有勾當事僧刻字僧史僧維  
那僧直歲僧等銜國師法諱讓景僧姓金氏元聖王之  
表來孫憲康王之外弟舅蓋國戚也碑中翔作翻蠡作  
蚤皆異文也以高麗靜空大師碑末有彫割業僧臣暹  
律奉敕刻字彫割業始以鐫刻爲業也表來孫之稱亦  
荆見皆潘昂霄金石例所未及

唐龍龕道場銘跋

銘爲唐武后時立中如舊作藺證作鑿攀作舉鼎作鼎  
整作整皆武后自船字又載作輦見南漢大覺禪寺碑  
應作展見唐博城令祭岳詩並金輪遺文知不第天地  
日月等十九字矣

後梁張策中丞伍公墓誌跋

案十國春秋伍昌時汀州甯化人太祖時爲偏將軍父  
夢授事太祖官左僕射此蓋夢授之碑也案薛史張策  
字少逸燉煌人未弱冠落髮爲僧十餘年返初服出爲  
廣文博士改秘書郎天復中策奉其主書幣來聘太祖  
卽奏爲掌記天祐初拜職方郎中未幾遷中書舍人太

祖受禪改工部侍郎加承召碑列銜舍人當在天祐初  
貞明爲後梁末帝不應仍書前官與史不合

閩王爐跋

爐以漢億虎尺度之高三寸七分內深如之口徑八寸  
九分圍二尺九寸七分唇徑一尺二寸四分圍三尺九  
寸厚二分底廣八寸七分蓋高四寸六分廣九寸四分  
紐爲蹲獅帶環於頸綴以小鈴自耳至足高四寸九分  
廣二寸九分侈其口以吐烟下有五足高七寸四分缺  
一足重十六斤一兩十七銖欵云弟子鹽鐵出使巡官  
主福建院事檢校尚書禮部郎中賜紫金魚袋王延翰  
奉爲大王及國夫人鑄造師子香爐壹口捨入保福院

永充供奉天祐四年九月四日題繞口陽文正書大王  
及國夫人竝空一字保福院在仙遊是爐得於仙遊鄉  
土中今藏鰲峯書院

高麗平百濟國師碑跋

案高麗兵制民廿六以上充軍惟六軍上衛常留官府  
餘軍給田受業有事則執兵事已則歸田蓋有周禮邱  
甸之法焉六軍曰龍虎神虎典威金吾千牛控鶴也分  
爲兩衛曰左衛右衛也別以三等曰超軍海軍猛軍也  
碑中稱大總管左武衛大將軍卽左衛也副大總管冠  
軍大將軍卽超軍也驍衛將軍驍上缺一字疑右字卽  
右衛也左領軍將軍右屯衛郎將卽領軍郎將也左一

軍總管右一軍總管卽領兵士騎將軍也皆與高麗史合

高麗平百濟國師跋二

高句驪舊封五部曰消奴曰絕奴曰順奴曰灌奴曰桂婁東西二千餘里南北一千五百餘里宋初并新羅百濟二國東北稍廣其西北與契丹相接屢為侵迫乃築來遠城以為防有三京四府八牧又為防禦郡一百一十八為縣鎮三百九十為洲島三千七百皆設守令監官洵海隅之雄邦也此碑為平百濟紀功而作案通典百濟卽後漢末夫餘王尉仇台之後初以百家濟海故名百濟碑言其太子隆王餘孝一十三人并大首領大

佐以下七百餘人竝就擒獲仁荐司勳式獻清廟蓋誇大其獻俘告廟之事又云置五都督州七州三百五十縣戶廿四萬口六百廿萬各齊編戶咸變夷風其拓地之廣如此

高麗金石文跋後

高麗為朝鮮後子姓有國八百餘年而為衛氏衛氏有國八十餘年而為高句驪以高為氏以高驪為國漢武帝後卽稱王唐長興二年高氏政衰國人立王建遂為王氏自漢以來臣服中國宋自建隆開寶間效臣節用正朔自為耶律所困始臣事之其年號終統和開泰凡二十一年至王詢大破耶律復通中國易開泰之名用

真宗大中祥符之號至天禧中耶律復破高麗王詢奔國而逃仍強班正朔自太平二年終十七年至重熙終二十三年清寧終十七年咸雍終十年太康終十年大安終十年壽昌終六年乾統終十年天慶至八年凡一百年而耶律爲大金所困高麗遂去北虜之號又以未經請命於宋不敢輒用正朔但以歲次紀年而已碑中有稱大安清泰太平龍德開運光德乾化大定天成峻豐等年號者蓋用耶律及五季正朔也有僅紀歲者殆在耶律旣亡以後未請命於中國時碑中有建炎年號殆徐競宣和六年奉使後始奉天水正朔耳道光屠維赤奮若颶臘望日用咸和四年甄硯書後

### 高麗大覺國師碑跋

碑額稱大覺國師墓室及碑銘安立事跡記墓室二字亦古刻所未見碑稱大師妙悅忠現等五百人輸大石覆其室營祭堂三間于墓南又役靈通寺僧四百五十人造家墓下引白丁四人居之給衣食使守墓奉聖旨許立國師碑靈通寺經始甲申敬先院太史令崔資顯卜地得妙主毅勝流主林融介主石手役僧二十五人至癸巳年敬先院成伐青石于沒頓山未有石匠校尉畫緣校尉門人師子僧統首座三重重大師大德諸職名刊於碑陰案徐競高麗圖經云三重和尚長老律師之類位在國師之下阿闍黎大德位降三重一等三重

不過數人大德一等人數極衆僧統首座殆卽國師有僧職綱維者也靈通寺在王城東北安定門外見圖經

後唐瑯琊郡王王審知神道碑跋

案十國春秋忠懿王後唐同光三年辛未王薨葬於福州城北鳳池山長興三年改葬於蓮花山有後唐所賜神道碑張文蔚撰文三山志以爲同光四年改葬蓋沿十國紀年之誤文蔚當作文寶攷薛史文寶諫議大夫覲之子莊宗卽位以文寶知制誥歷中書舍人刑部侍郎蓋在周光時文蔚河間人乾符初進士以開平二年卒贈左僕射蓋後梁太祖時人

宋潘正夫烏石山題名跋

案吳國公主哲宗三女也政和三年改韓國公主出降潘正夫靖康末以先朝女留汴題名所謂始至睢陽也建炎初復公主號改封吳國覲上於越避地至婺州皆見宋史予尙有清卿墨卿才卿堯卿而獨無溫卿此可以補史之佚矣王子蓋隨正夫至閩者赴行在時高宗在臨安也

宋錢昱重建瑯琊王廟碑跋

案宋開寶七年吳越國王以審知舊第爲忠懿王廟搏王像及孟威等二十六人像以配享碑所謂始易宅而爲廟也孟威十國春秋作孟成是誤文碑稱王薨於同光三年十二月十二日路振九國志薛五代史皆以爲

元年竝誤福州府志以爲五月五日卒是日罷節事相  
沿至今則以三年夏五月王寢疾相涉而誤惟運歷圖  
作同光三年卒與碑合錢昱以開寶七年爲福州刺史  
至太平興國二年去任見三山志秩官表書碑爲林操  
志失攷

宋高宗御書真草孝經跋

右高宗御書孝經在今廣州府學碑分五列列五十二  
行行十字惟紀孝章行九字真草各行相間與政和二  
體石經相同每列上下竝有殘泐廣要道章以下經文  
及重刻年月別爲石今已亡失標目無第一第二等日  
蓋依鄭氏本與釋文間不同釋文所稱鄭本後人據明

皇石臺本改也經中敬作欽讓作恭又作謙避諱而改  
毋念作無念匪解作匪懈災害作灾害竝與鄭合證之  
董史皇宋書錄張鉉金陵新志所傳高宗御書之說爲  
確朱氏經義攷云未見惜其遊粵時未及訪也後人以  
二帝不歸罪高宗之不孝觀此知非無意復仇者矣道  
光己丑同年生方履籤詣予於閩中明年跋於甬東官  
舍

宋蔡君謨洛陽橋碑跋

萬安橋爲天下第一君謨此書全自顏平原間用元和  
腳法閩中蔡刻如茶錄荔枝譜皆不及也王蘭泉司寇  
不解洛陽之義案洛陽江發源泉州惠安司寇豈未見

閩志耶至俗傳蔡狀元事則堅瓠嚙語不足深辨耳

又跋

蔡忠惠碑版照耀海內洛陽橋碑尤爲著名嘗閱書史會要云劉澤閩人善大字嘗書萬安橋三字在海石上徑三尺許有隼尾存筋之法時蔡襄造橋不自書澤書之劉澤工書世無知者姓名亦不見於志乘橋經屢修碑未知尙存否也

宋隆興甲申陸放翁瘞寇銘題名跋

題名在焦山摩厓大舟親拓以詒余文曰陸務觀何德器張玉仲韓無咎隆興甲申年閏月廿九日踏雪觀瘞寇銘置酒上方烽火未息望風檣戰艦在烟靄間慨然

盡醉薄暮泛舟甘露寺以歸字徑四寸正書後一行云明年二月壬午鬮禪師刻之石務觀書再後有嘉熙二年口月晦日王濬李夢得等題名都氏穆著金薤琳瑯曾載此首行有宋嘉熙二年十二月陸務觀云云脫去隆興甲申等字韓无咎下多遊焦山三字蓋誤認後題名之年月爲放翁也并無明年一行攷放翁生宣和七年至隆興二年甲申四十歲卒嘉定三年年八十六歲安得至嘉熙耶明顧元慶瘞寇銘跋以未見放翁題字爲恨都氏亦踏雪親觀想未經細審遂有此誤又放翁尙有焦山續題名爲乾道元年

宋張子韶妙喜泉銘跋



右無垢居士張九成爲宗杲銘并正書拓五寸外宗老說偈行書附後刻於阿育王寺常住田碑陰末題紹興丁丑蓋二十七年也子韶與宗老爲方外交數往來徑山論大學物格格物之旨秦會之以其訾已竄杲衡陽張亦謫南安軍秦死杲住持四明育王寺張仕至禮部侍郎學者稱橫浦先生事見宋史子韶家錢塘無書名而是銘奇偉絕似顏柳宗老書偈亦近送劉太冲敘明萬厯間濬泉始得之字跡完好無損可寶也妙喜泉者知明州姜師仲秘監所名宗老有妙喜菴孝宗御書三字賜之泉在育王寺今猶存其跡云道光乙未書於八磚花館

宋陶真人靈驗記跋

右在蓬萊觀碑陰亦見輿地碑目前列王欽若全銜下有殘缺汝南袁廣淵記後有象山縣尉兼主簿事鄭冀象山縣令□□題名當是立碑者未有嘉靖元年道士謝禮道等重立則爲明時所刻兩浙金石志謂北宋刻非也

韓蘄王翠微亭題名跋

文云紹興十二年清涼居士韓世忠因過靈隱登覽形勝得舊基建新亭榜名翠微以爲游息之所待好事者三月五日男彥直書字徑三寸餘正書在飛來峯摩崖武林紀事言世忠建亭于飛來峯之半顏曰翠微而不

石經閣金石拓跋  
著所建年月攷紹興十一年十月世忠罷爲醴泉觀使  
十二月岳武穆薨是亭思武穆而建岳有登池州翠微  
亭詩故也彥直舉紹興十八年進士光宗朝官至龍圖  
閣學士題名時年不及十齡而用筆全似顏平原亦忠  
義之氣天使然與六舟親拓詒余以補兩浙金石之佚

宋拓十三行跋

賈秋壑得子敬十三行鐫于閩碧玉有悅生長印竝米  
虎兒與容臺跋萬厯間或從葛嶺斫地獲之或云得之  
西湖歸泰和令陸夢鶴錢塘洪清遠曾有翻本者也楊  
可師所見吳禹聲家宋搨本我字戈法尙瘦宣和印宣  
字尙全今此本我字稍肥宣字已缺當卽楊氏所見之

宋本但搨在後耳非賈相玉版也然神光秀潤精采奕  
奕余所見宋拓雖多當以此爲特健藥矣六舟其藏之  
伏梁閭檻毋留人光面酒也癸巳午日書

元慶元路學祭器跋

慶元路學祭器有簠豆觚爵洗尊等事款在底皆正書  
銅簠款云元延祐二年奉議大夫同知慶元路總管府  
事張伯延提調鑄造教授闕里五十四世孫孔文植正  
錄趙文呂合犧尊象尊等款云提調官浙東道都元帥  
三寶中大夫都事李穀承事僉史張溥奉差馮口慶元  
路達魯花赤帖朮迭兒中大夫知事邵信將仕路速沈  
治監造官錄事司判官張義典史龔惟善醫學教授路

鐸至正六年歲次丙戌四月吉日按與元史官制相符  
餘器畧同有無款識者其一百餘事青綠斑駁皆仿宣  
和之制按元史文宗本紀至順三年詔江浙行省範銅  
造和寧宣聖廟祭器凡百三十有五事後各學以次鑄  
造有提調監造等官董之亦可謂鄭重者矣乃府志不  
載其事并元秩官姓氏俱畧之兩浙金石志僅收嘉興  
路學銅祭器款識不及慶元之詳阮相國云禮器初自  
漢韓勅今闕里亦僅傳唐元和二器此雖元製亦至可  
寶貴况宣聖典禮之大者乎

洪武寶鈔拓本跋

右大明通行寶鈔文云戶部奏准印造大明寶鈔與銅

錢通行使用崇禎己卯秋鑄造偽造者斬告捕者賞銀  
貳佰伍拾兩仍給犯人財產洪武 年 月 日上作

錢形作貳佰文背有大明寶鈔之印一寶鈔提舉司印  
一鑄造寶鈔局印十皆九折陽篆文以今尺度之長四  
寸七分橫三寸面四圍有龍火水藻紋按此鈔爲崇禎

改鑄己卯乃十二年也仍用洪武年號者攷永樂實錄

洪武卅五年建文四年十一月戶部夏原吉言寶鈔提舉司

鈔版歲久篆文銷乏且皆洪武年號明年改元永樂宜  
并更之上曰版久當易則易不必改洪武爲永樂朕所  
遵用皆太祖成憲雖永用洪武可也此崇禎仍用洪武  
可見終明之世未嘗改也道光庚寅四月跋於四明學

舍

書天一閣事附

宋趙立之選陽春白雪八卷外集一卷爲趙松雪手寫草書本舊藏天一閣鮑廷博曾借繕正書人間始有傳本然草書有不可識者故未刻人知不足齋叢書松雪本後爲仁和吳純所得此鮑士恭之言也今天一閣書目補遺有此書非其原本詞部別有陽春白雪乃元人所選南曲也

孫淵如訪碑錄取鄞縣范氏拓本自漢至宋元幾二百種皆天下無雙本也首列西嶽華山碑爲錢東壁攜去後歸竹汀詹事詹事贈儀徵阮公有唐太和宋元豐王

子文李衛公題跋爲各本所無阮公會繙刻于揚州又載宋劉球隸韻十卷八分書石刻注正書首有劉球表一道今秦敦夫刻是書表已缺又紀原一卷亦劉球著石刻無年月二書天一閣書目碑目俱不載北宋石鼓文拓本凡四百有三字爲吳興沈中藏本有錢達篆書以薛氏釋音附之後歸松雪趙氏明中葉爲四明豐氏所得後歸范氏是宋人燕京時搨本見鮪琦亭集第十鼓有皇祐四年向傳師跋七十六字見張燕昌石鼓文釋燕昌曾在閣中累月摹此文竹汀詹事亦曾見之謂爲希世之寶也今檢石鼓文似前數十年脫本跋與釋文本亦不見何也

天一閣唐模蘭亭本乃豐道生偽刻後有印記可驗神龍蘭亭有南渡諸公題字墨跡藏天籟閣後付之石爲竹垞檢討所得今不知流落誰氏矣閣本卽從此本繙出而僅留熙寧許將一行翁覃溪認爲真神龍本誤矣近湯氏洪氏皆有繙本更自鄒以下矣又豐坊自有臨本嘉靖三年所刻今石亦存閣中

天一閣書見於鮑琦亭內外集題跋如夏竦古文篆韻吾衍續古篆韻山齋易氏周易總義夏氏柯山尙書解王端毅石渠意見皆不見於書日外如宇文周神功二字石刻旁勒周文王括石書薛尙功手書鐘鼎款識二十卷有周嵩趙孟頫楊伯巖柯九思張天雨王行周伯

溫七人鑒賞題字靈武韓玉倫徒克莊有跋最後有豐考功坊題全氏謂范氏書帖大半萬卷樓故物而是本獨不知得之何人觀坊所題可見石刻僅有其半而手書精核更爲可珍范氏尙有副本以其副爲贈云云此與趙松雪草書陽春白雪劉球隸韻石刻李衛公跋華山碑皆希世之珍今碑目俱無之

天一閣書目舊有鈔本曝書亭藏書目有之想卽東明司馬所手定黃梨洲爲作序者也碑目亦舊有之全謝山有記是也而今所刊書碑目序皆未之及何也碑目多歐趙洪黃未見者其最顯者如漢趙罔令劉熊侯成王純郭有道諸碑梁陶真隱舊館壇碑皆與華山相匹

而嘉靖以前之本爲今所無者亦足珍貴余屢從懇共甫錄成一書終未果耳

東明司馬築閣鑿池之初未有閣名後得元石刻揭公後斯書天一池三大字并記適合以水制火之意擬重勒三大字于池石未果今碑目僅有池記三大字終未勒石亦憾事也

光緒歲在柔兆閏茂暢月吳縣朱記榮槐廬家塾新校刊石經閣金石跋文終

增續編

金石錄

徐惟琨書



光緒丁亥  
汗繁艸堂  
葺刊  
藏版

序

論語正名漢鄭氏註謂正書字也古者曰名今世曰字  
禮記百名以上則書之於策許氏說文序云著於竹帛  
謂之書蓋古書於帛契於册前人所以垂後後人所以  
識古舍此蔑由也古籍遭秦火雖孔壁古文復出然已  
無有存者後之人求古文字惟金石爲古人詒畱三代  
以上金多而石少秦漢以下石多而金少夏商之文簡  
但具子孫及祖父名後則紀以歲月國邑文詞可讀秦  
自始皇刻石稱皇帝二世詔備列臣名爲石刻之祖漢  
則制碑式有額有正有陰有旣有額而復題於首者有  
陰亦題額者撰文立碑人及歲月有載於碑文內者有

特題於後者有題書名者有題工匠名者有題出錢名者後代因之而法益備自宋歐趙諸公著錄至於今好古之士搜輯益廣未有分類而條舉其例者唯元濟南潘文僖創爲金石例十卷獨詳墓誌大段以韓文爲例黃梨洲先生作要例以譏之是也秀水朱先生跋明長洲王止仲墓銘舉例謂王所採一十五家之文足以續蒼崖而補其闕又云墓銘莫盛於東漢鄱陽洪氏隸釋隸續其文其銘體例匪一宜用止仲之法舉而臚列之今洪氏書具在蒙嘗欲取兩漢碑文一一舉其例以補潘氏所遺亦朱先生志也年來奔走四方不暇纂輯丙戌來游粵東晤梁君出示所撰金石稱例四卷蓋先得

我心矣其書分國制官屬姻族喪葬文義時日二氏爲七類正編始三代迄五季續編則補以宋元遼金末附碑文摘奇一卷可謂詳且備矣然檢洪書所載尙有可採者如漢蜀郡太守何君閣道碑建武中元二年六月洪氏引新始建國天鳳山戊六年銅斗新始建國地皇上戊二年鉅以誦漢莽之時卽位初元冠改元之上可以補國制蜀郡幸通達李仲曾造橋碑題卿洪氏引漢志註引應劭云云又引武開明碑沈子琚碑兩卿以証漢人稱丞爲卿馮緄終于廷尉而碑額題車騎將軍魯峻終于屯騎校尉而碑額題司隸校尉銜名題其尊者孔彪遷下邳相河東太守而碑題博陵太守以碑爲



博陵人所立故吏爲舊君立碑但題本官劉熊碑陰有稱好學稱德行者北海相景君碑陰有稱修行者蜀郡屬國辛通達李仲曾造橋碑題名稱荷吏舜子巷義井稱分子成都左右生碑有稱文學祭酒中部碑有稱校官祭酒里祭酒金廣延母徐氏紀產碑有稱大婦小婦皆以補官職姻族楊孟文石門頌中遭元二洪氏引論衡及史傳以爲元二年可以補時日如錢氏跋尾所載亦多有可探者南唐龍光寺碑後題開寶二年不稱大宋陶翼嵩臺石室文後題炎宋皇祐五年蕭山縣夢筆橋記稱巨宋崇化寺西塔基記後題唐下元戊午戊午已爲周顯德五年虎邱石幢題下元甲子顯德五載龍


集戊午雖書顯德年號仍冠以下元甲子祇園寺舍利塔題字云戊午顯德五年題戊午于顯德上不稱大周皆祚已移猶用本國年號者七星巖洞趙善擇伯仍等題名稱玉牒是宋人宗室署名不署姓政和二年韓城縣河瀆靈源王廟碑陳口趙口郭倫三人皆列降官銜天福史匡翰碑題起復入列銜宋代因之此可補國制官職者他如金陵石刻向未著錄者六合紹聖井題聖宋上元義井題下元壬午宋端平造橋題字皆巷陶發心以及唐同光禪師塔銘有造塔博士宋玉後唐同光法華鈞大德塔銘有博士侯建鐫字造橋博士郝温宋太平興國鐘有博士韓定六人紹聖通利年鐘有小博

士口元小博士王在蓋當時役匠之稱漢鏡鈎刀銘皆用五月丙午是月無丙午亦然蓋取火德之盛元碑紀年多以十二畜如寅爲虎兒年卯爲兔兒年皆可以廣異聞至碑文奇字隸釋及金石文字記錢氏跋尾尙當備採漢唐碑文所引經傳多古本當分引經類以証今本之異漢唐去古未遠而已多別體所用文字古僞間出當分古文類別字類以存六書之遺梁君屬爲叙其書謹錄鄙見以遺之聊備大雅採擇焉道光戊子重九上元愚弟溫葆淳

### 自序

古人最重稱號之學爾雅廣雅風俗通方言詳矣盡矣然非今昔互殊卽南北迥別著諸文字反見拘迂至有壽世母而稱嬪傳藝林之笑柄者稱謂之間習焉不察博雅君子將且譏詆於其後然經史冊籍日資翻閱尙易參稽金石則散落山水荒僻或古所存而今已亡或前未見而後始出拓藏未富則證據益難金石稱例之所緣起也顧金之爲物有用易燬皇祖伯考之屬存在識銘僅偶一見不若碑誌之堅好尙有文義可尋蓋石多而金少自來著錄家類然矣春來無事發閱藏碑積爲此帙區分七類始三代迄五季而止每條先標大意

證以原文數語泐者缺之他書可考者補之中有互證發明者附以按語別之此又例中之例也戊寅初秋五日梁廷枏自序於藤花亭



金石稱例目錄

卷一

國制類

即位未改年者以月稱

年號與王封有國之年並稱

拜官未就仍稱前職

稱有天下年數而不書年號

匈奴之長自稱單于 王未受禪下令亦稱詔制

國史稱籍 稱萬祚即萬年之義

改元稱啟運 太后稱女后

易代後列銜尚題前代 有天下者或稱御紀

天子所居稱別次 公主稱鄉貫

稱先君為聖考大王 君稱臣為公

君為臣撰碑亦稱公 碑敘先帝不稱廟號

謫官後止稱前銜 宗室稱皇族

君稱臣母曰太夫人 稱官第以別於衙署

言本朝止稱曰皇 卽位後碑文仍稱太子

廟號尊號連稱 本朝國號加稱巨字

人主生日稱降誕日 享國世代稱芳葉

官屬類

長官稱明府 同年稱同歲

碑題稱字

題名名字並稱或不稱字或名字俱畧

題名稱弟子門童門生故吏故民

門徒小子合稱

為長官之祖立碑自題稱字不名

前長官稱舊君 碑陰題名通稱字

歛貲刊石稱義主 題名稱民望都民望

部民稱邑老 邑令謁神自稱不佞

對先輩自稱後學

卷二

姻族類

父考並稱 長子稱大男

敘先世稱及其兄 從弟稱元弟

孫稱元孫 子立父碑稱君

敘人祖父止具官爵不稱名 祖稱祖父

乳母之稱 父死稱亡父

先人稱先尊 敘婦人父兄稱爵不名

女稱息女 父母存歿稱見在過去

本有追尊之廟號可稱而但稱其本官

婦人姓不稱氏 婿稱女夫

居母喪撰文自稱哀子 父稱顯考

婦以排行稱 婦人從夫姓稱某門

為父書碑自稱嫡子 父稱女曰某娘

為同族撰碑稱族子 兄弟之子稱姪

父稱嚴考 書女但稱夫族不書適字等字

父稱子為小男 父稱烈考

兄稱弟為舍弟 曾祖稱曾門

為族子撰碑自稱族叔 婦人署名并及其夫

敘人先祖稱居士 敘婦人稱母不稱父

為兄誌墓不稱其父名 不稱高曾祖父

敘人先世先父後祖 碑敘子嗣先稱官而後名

同姓稱宗兄 高曾稱高門曾門

長子稱門子 婦人稱君

中表兄弟之子稱表姪 稱人後為末裔

婦人既寡稱霜妻

稱人父母加先字

婦人止稱本姓不繫夫族

父亦有稱皇父者

婦稱齊體

書父碑自稱孤子

父稱阿翁

長子稱元子

幼子稱小男

卷三

喪葬類

稱死者為先靈

死稱不祿

葬不稱地

刺史死稱薨

葬稱安厝

丁憂稱丁窮罰

服闋稱服終

婦人死亦稱示滅

葬地稱縣稱鄉不稱原

葬稱虔葬

內侍葬稱安厝

婦人死亦稱捐館

卒稱屈命

死稱捐寢葬稱安宅

死稱謝世

文義類

碑後四言有韻之文亦稱敘

部民生頌其長官德政稱誄

為郡王撰碑稱公

銘文不稱銘曰字

墓銘稱頌

銘曰之曰作粵

撰文稱造文

撰銘稱薦銘

書碑稱題寫

撰碑稱作

文因避諱而去其名之一字

文易撰稱製

撰文人結銜名字並稱

墓碑題額稱瑩兆記

碑稱某公曰某卿

釋氏稱律也猶俗之書禮也

撰文稱纂

撰文稱詞

立碑稱樹

墓誌稱誌文

碑禮也變稱孝也

書碑稱寫

稱諡有諡法所無者

稱名加一曰字

撰碑稱述

君為臣製文稱頌

書人署名自稱逸士

刻石稱碑板

婦人稱號不稱諱

碑稱題諱即後人填諱所自祖

雙名止題一字

姓下稱氏復稱公

撰文稱述

為人撰碑文內直稱其人之名

卷四

時日類

朔下書日不稱越

碑不明稱日月

物稱壽稱紀

卒日稱時

碑後署日稱吉日

計年數獨稱曰夏

年歲稱稔

卒不明書日月

本年稱當年

二氏類

婦人自稱清信女

男子稱清信士

寺主稱上座

釋氏碑或稱紺褐

僧年稱報齡

尼死稱捨壽

僧死亦稱遷形

助修橋者稱發心主

造經幢者稱君子

僧死稱示終

釋氏火葬稱施身

尼死或稱遷神

釋氏葬塔稱身塔

僧死稱謝

僧母稱先慈

釋氏稱兄

禪師稱諱稱字稱俗姓

助財稱施主

尼死稱薨

尼年稱法夏

釋氏稱其支派曰系孫

尼號稱法號

僧生卒稱中元後元不稱年號

僧稱公皆冠以各下一字


釋氏徒稱承襲

對釋氏稱俗弟子

婦人稱女弟子


僧有稱小師者

僧病稱示疾死稱歸真





金石稱例目錄終



金石稱例卷一

順德梁廷枏纂

吳縣朱記榮校刊

國制類

即位未改年者以月稱商庚申父丁角銘十六月唯王乙祀也

按公緘鼎稱十四月圓寶鼎方寶獻俱稱十有三月戊命尊稱十九月古器銘文多有如此

年號與王封有國之年並稱漢魯孝王石刻五鳳二年魯三十四年六月四日成也

拜官未就碑文仍稱前職高陽令楊著碑額止稱高陽也

按著曾拜思善侯相聞拜後即以兄憂去官  
碑稱有天下年數而不書年號校官碑蓋漢三百八十  
有七載也

按碑立於靈帝光和四年

匈奴之長自稱單于魏公卿將軍上尊號奏匈奴南單  
于臣泉

王未受禪下令亦稱詔制上尊號奏而丁卯制書詔臣  
等曰又臣等伏讀詔書

國史稱籍北魏高植墓誌序茂烈皆備之國籍也

萬祚卽萬年之義元甯造像記仰爲二聖敬造石象一  
壺願主上萬祚臣僚盡忠也

改元稱啟運東魏齊州刺史高湛墓誌序熙平啟運起  
家爲司空參軍事也

太后稱女后敬史君顯儁碑于時女后稱制權移外戚  
也

按此碑名已缺顯儁其字而史傳乃云名顯儁字  
孝英與碑迥異

易代後而列銜尚題前代者隋開皇六年張公禮撰龍  
藏寺碑猶稱齊開府長史兼行參軍當時不以爲嫌如  
此

有天下者或稱御紀唐伊闕佛龕碑頌帝唐御紀文以  
定祥也

天子所居稱別次異於諸殿門也揚州都督段志元碑  
上情深悼傷舉哀於別次

公主亦稱鄉貫蘭陵公主碑公主諱淑字麗貞隴西狄  
道人也

稱先君爲聖考大王朝鮮朗空大師塔銘聖考大王忽  
聆遷化哀惻仙襟也

君稱臣爲公燕國公于志甯碑乃令中書令來濟宣旨  
喻懷云公以永徽以來卽當樞要藉公材用爲朕股肱  
耳目

君爲臣撰碑亦稱公高宗御製李勣碑公名勣字懋功  
也

追敘先帝不稱廟號兗州都督于知微碑祖志甯皇朝  
秦王友也

謫官後止稱前銜不稱所謫之銜麓山寺碑題署李邕  
題署前陳州刺史是也

按邕以開元十三年謫遵化尉是碑作於十八年  
宗室稱皇族北嶽恒山安天王銘碑陰題名皇族從叔  
朝請郎行司馬參軍欽回也

君稱臣母曰太夫人鄭國公楊珣碑序又太夫人有苦  
切之戒也

稱官第以別於衙署雲麾將軍張安生墓誌序以天寶  
十三載冬十一月十日扈從薨於昭應縣之官第也

按所終第宅不外公私兩地而碑誌所稱多有不  
同如客第私第私館私舍公舍之類是也又按官  
舍稱公館見殷府君夫人碑

言本朝止稱曰皇左武衛將軍臧懷恪神道碑序祖寵  
皇通議大夫也

按宋璟等碑同

卽位後碑文仍稱太子中興頌天子幸蜀太子卽位於  
靈武也

按碑撰於上元二年

廟號尊號連稱田尊師德行頌序中宗大和大聖大昭  
孝皇帝之類也

本朝國號加稱巨字卽皇大之義揚州大都督段行琛  
神道碑序巨唐大厯己未也

人主生日稱降誕日淨光塔銘題皇帝降誕日爲國建  
無垢淨光塔也

享國世代稱芳葉刺史折嗣祚碑昔先王之顧命巨唐  
之芳葉也

官屬類

長官稱明府漢北海相景君碑諫伏惟明府受質自天  
也

同年稱同歲敦煌長史武斑碑序追維昔日同歲郎署  
也

碑題稱字李孟初碑題故宛令益州刺史南郡襄陽李  
口字孟初神祠之碑也

碑陰題名或名字並稱或不稱字或名字俱畧韓勅造  
孔廟禮器碑是也

碑後題名分列弟子門童門生泰山都尉孔宙碑陰稱  
門生者四十二人稱門童者七人稱弟子者十人稱故  
吏者八人故民一人

按門生弟子解說甚多而洪氏隸釋較詳云親受  
業曰弟子以久次相傳授曰門生未冠曰門童舊  
所治官府其掾屬曰故吏占籍曰故民非吏非民  
則曰處士素非所莅則曰義士義民亦稱議民

門徒小子合稱高陽令楊著碑門徒小子喪茲師範也  
爲長官之祖立碑碑陰自題稱字不名太尉楊震神道  
碑陰河東孫定博以下百九十餘人皆稱字俱其孫統  
之門人也

前長官稱舊君湯陰令張遷表頌感恩舊君也

按同是故吏而稱名稱字不同者亦見是碑  
碑陰題名通稱字又不分列故吏門生等名目魏廬江  
太守范式碑是也

歛貲刊石稱義主北魏張猛龍清頌碑題名義主參軍  
事廣平宋撫民之類也

東魏敬史君碑碑陰題名有稱民望都民望者王氏金

金石稱例卷一終

石萃編以爲皆郡人之著者近是  
按武德于府君等義橋石像碑亦有稱民望及民  
望土豪者意與此同

部民稱邑老唐元氏縣令龐履温碑邑老謝虔祐等並  
鄉庭積善也

邑令謁神自稱不佞華陰令盧朝徹謁嶽廟文朝徹不  
佞獲領茲縣

對先輩自稱後學元次山朝陽巖銘署邑後學田山玉  
書石也

光緒歲在強圉太淵獻相月吳縣朱記榮槐廬家塾刊  
金石稱例卷一終

金石稱例卷二

順德梁廷枏纂

吳縣朱記榮校刊

姻族類

父考並稱周招觚銘招作乃文考父戊寶尊彝也

按禮記以父考爲存歿異稱據此銘則古人亦未  
嘗分別也戊其名文尊詞

長子稱大男漢郎中鄭固碑序先是君大男孟子有揚  
烏之才也

敘先世而稱及其兄滔于長夏承碑東萊府君之孫太  
尉掾之中子右中郎將弟也

從弟稱元弟司隸校尉楊淮表紀元弟功德牟盛當究

三事也

按葉氏金石錄補謂悼穎伯未登三公之位而卒稱元弟以美之

孫稱元孫前碑俱大司隸孟文之元孫也

按洪氏隸續元孫猶元士然以元爲美稱也又金石錄補准稱弼爲從弟弼又字穎伯以其祖視之俱爲諸子之長孫非美稱也二說互異當以洪氏爲長

子立父碑稱君司隸校尉魯峻碑君諱峻字仲巖也

按與唐顏氏家廟碑同

敘人祖父止具官爵不稱名前碑君則監營謁者之孫

脩武令之子

祖稱祖父郟陽令曹全碑高祖父敏曾祖父述祖父鳳也

乳母之稱始見武氏前石室畫像題字第七石第二層父死稱亡父北魏始平公造像記遂爲亡父造石像一區亦稱亡考亡妣安定王造像記仰爲亡祖親大妃亡考太傅靜王亡妣蔣妃敬造石窟一軀也

先人稱先尊安定王造像記敬恃此福上資先尊

按唐口部將軍功德記奉爲先尊及現存姻族亦同是稱

叙婦人父兄稱爵不名司馬景和妻墓誌序蓋中散大

夫之幼女陳郡府君之季妹也  
女稱息女懷令李超墓誌銘題名息女孟宜年三十六也

父母存歿稱見在過去周王彥生造像記七世父母見在父過去母也

按天和四年王某造像記現存母長命延年益壽蓋與此同

本有追尊之廟號可稱而但稱其本官者隋曹子建碑祖嵩漢司隸太尉公也

婦人姓不稱氏唐張琮碑祖母李景皇帝之女母竇隨文帝之甥夫人長孫文德皇后之姊也

子撰父碑直稱先代名諱武康郡公令狐熙碑稱遠祖邁祖虬也

婿稱女夫張開疆尹氏女造像記題名女夫尹仁則也居母喪撰文自稱哀子碧落碑哀子李訓誼撰誌也

父稱顯考榮德縣丞梁師亮墓誌序顯考金柱唐奉義郎也

按師亮字永徽永徽為唐高宗年號竟不知避此可見古人之疏忽也

婦以排行稱僧志遠經幢二新婦三新婦也

婦人從夫姓稱某門姜氏女造像記神龍二年七月七日清信女竇門姜也

日清信女竇門姜也



金石錄卷二  
三  
爲父書碑自稱嫡子上騎都尉馮本紀孝碑題嫡子銀  
青光祿大夫雷直昭文館上柱國長樂縣開國男敦直  
書也

父稱女曰某娘孟友直女墓誌序女十一娘字心河間  
人也

爲同族撰碑稱族子昭公李思訓神道碑題族子口撰  
并書也

按是碑撰人官銜俱泐據錢氏潛研堂金石文跋  
尾定爲李邕耳

兄弟之子稱姪前碑姪吏部尚書兼中書令集賢學士  
修國史

按碑已缺其名據宗室表定爲李林甫林甫思訓  
弟思誨長子又按困學紀聞引通典顏延之曰伯  
叔有父名則兄弟之子不得稱姪雷次宗曰姪字  
有女明不及伯叔劉貢父刊二程集遂改姪爲猶  
子朱子謂古人固不謂兄弟之子爲姪亦無云猶  
子者從俗稱姪亦無害於義理今據此碑及顏氏  
于祿字書魯公之自稱十三姪男鄭公德政碑之  
稱猶子則知兩稱相沿已久宋儒特偶忽之耳

父稱嚴考常熟縣令郭思謨墓誌序嚴考敬同皇幽素  
舉高第

書女但稱夫族不書適字等字代國長公主碑長女口

范陽盧氏有肅邕之譽二女琇博陵崔氏資明艷之容也

父稱子爲小男李貽孫祈雪題記小男進士同吉學究靜復行也

父稱烈考牛氏像龕碑卽夫人烈考也

按碑文斷缺不可考

兄稱弟爲舍弟臨高寺重修葺碑題銜是也

曾祖稱曾門比邱尼惠源和上神空誌序曾門梁孝明皇帝也

爲族子撰碑自稱族叔朝議郎裴道安墓誌題署是也婦人署名并及其夫石壁寺鐵彌勒像頌題太原府參

軍房麟妻渤海高氏書也

按此見女子從夫之義

叙人先祖稱居士故逸人竇士神道碑序祖居士諱希求也

叙婦人稱母不稱父內侍省內常侍孫志廉墓誌序夫人則天水郡君趙氏之女也

爲兄誌墓不稱其父之名三墳記先侍郎之子曰某也

叙先世無高曾祖父等稱太常卿趙獻冲碑顯和之元孫世立之曾孫君煦之孫徵之之子也

叙人先世先父後祖龔邱縣令庾賁德政頌公之考曰欽嗣爲口州別駕王父曰元汪爲尋陽令曾王父曰師

爲蜀王文學

按□字泐據武氏授堂金石跋以爲光州耳

碑叙子嗣先稱官而後名臧懷恪碑七子游擊將軍崇仁府折衝希崇豐州別駕贈宋州刺史希昶之類也

按臧希晏等碑同

同姓稱宗兄元結墓碑序乃受學於宗兄先生德秀也高曾稱高門曾門贈揚州都督段行琛神道碑序以至高門平原忠武王孝先弼亮北齊奄荒東夏又曾門德濬初罹否運播遷隴坻也

按曾門之稱先見惠源和上神空誌

長子稱門子前碑門子祥穎仲子秀成季子□穎等也

按此亦古人稱家督之義

婦人稱君錢唐縣丞殷府君夫人碑君號□定瑯琊臨沂人也

按蘇東坡爲妻王夫人志墓亦稱君

中表兄弟之子稱表姪會稽郡開國公徐浩神道碑題署表姪前河南府參軍也  
稱人後爲末裔武陵縣令瞿府君墓誌序蓋帝譽之末裔也

婦人旣寡稱霜妻解進墓誌序霜妻李氏偕老願違也  
稱人父母加先字安定郡王李光進神道碑序追命先君儀同爲工部尚書先太夫人史氏爲代國太夫人

按碑為合狐楚撰

婦人止稱本姓不繫夫族天水姜夫人墓誌蓋題新平公主女姜夫人墓也

父亦有稱皇父者處士包公夫人墓誌序皇父諱隣也按碑籍貫下止稱父曰皇父蓋取皇大之義與祖之稱王父者別

婦稱齊體前碑包公以再傷齊體追悼何心也


祖稱祖王父申大夫王文幹墓誌序南朝元從功臣諱英進公之祖王父也

書父碑自稱孤子朝議郎韓昶台為墓誌末題孤子口書并篆也

父稱阿翁龍華寺宰堵波塔序阿翁遺意保厥孫謀也長子稱元子左拾遺孔紆墓誌序其元子左拾遺養疾亦病逾二旬

幼子稱小男內樞密使吳承泌墓誌序長男修口次男修皆南遷未復小男修口也





光緒歲在強圉大淵獻相月吳縣朱記榮槐廬家塾刊  
金石稱例卷二終

金石稱例卷三

順德梁廷枏纂

吳縣朱記榮校刊

喪葬類

稱死者為先靈漢王稚子石闕漢故先靈侍御史也  
死稱不祿孔德讓碣永興二年七月遭疾不祿也

按此與古稱不穀無祿同義

葬不稱地衛尉卿衡方碑其年九月十七日辛酉葬也  
刺史死稱薨東魏南秦州刺史司馬昇墓誌銘薨於懷  
縣也

葬稱安厝唐房彥謙碑庚申朔越二日安措也

丁憂稱丁窮罰于知微碑俄丁窮罰殆至滅性也

服闋稱服終美原縣尉張昕墓誌序丁父憂服終

按易州田公德政碑亦稱禮終

婦人死亦稱示滅寶居士碑夫人朱氏以開元口年三

月七日式滅也

葬地稱縣稱鄉不稱原左金吾衛將軍臧希晏神道碑

序葬於三原縣長切鄉禮也

葬稱虔葬元結墓碑序以其年冬十一月壬寅虔葬君

於魯山青嶺泉陂原禮也

葬稱安厝高力士碑口日安厝成其志也

按日上字多缺

婦人死亦稱捐館侍中尚書裴耀卿碑序太夫人捐館

也

卒稱屈命盧公夫人崔氏墓誌貞元已卯先夫人而屈

於命也

死稱捐寢葬稱安宅西平郡王李晟神道碑序自捐寢

至安宅皆所司辦護

死稱謝世孔紆墓誌序公謝世之月餘日前與二季處

閭室中也

文義類

碑後四言有韻之文亦稱叙漢校官碑是也

部民生頌其長官德政而詞稱誅者亦見前碑

為郡王撰碑稱公齊故安陸昭王碑公諱緬字景業南

蘭陵人也

銘文不稱銘曰字北魏漁陽太守司馬元興墓誌銘是也

墓銘稱頌南梁郡太守司馬景和妻墓誌銘是也以粵為曰東魏太公呂望表銘其詞粵也

按此與北齊朱曇思等造塔記隋曹子建碑同顧氏金石文字記云古曰字與日同一書法故變其文為粵欲讀者之易曉也

撰文亦稱造文周西嶽華山神廟碑万紐于瑾造此文也

撰銘稱薦銘大將軍鄭偉墓誌序乃薦銘也

書碑稱題寫隋張公禮龍藏寺碑開皇六年十二月五日題寫也

撰碑稱作陳叔毅修孔子廟碑濟州秀才前汝南郡主簿仲孝俊作文也

文因避諱而去其名之一字唐等慈寺塔記銘念彼王充偷安假息不稱世充避太宗諱也

文易撰稱製左光祿大夫皇甫誕碑題于志甯製也按此與道因法師碑王居士塲塔銘例同

撰文人結銜名字並稱蜀王師蓋文達碑題于志甯字處謚作此文也

按此與孫翌撰高延福墓誌同

墓碑題額稱瑩光記見高士廉碑

碑稱某公曰某卿唐褚亮碑額題大唐褚卿之碑

釋氏稱律也猶俗之書禮也濟度寺尼蕭法願墓誌營空於沙陵原之側儉以從事律也

撰文稱纂開業寺李公碑題李尙一纂也

按此與楊岐山禪師廣公碑文及六十六燈幢贊同

撰文稱調奉仙觀太上老君石像碑題隴西李審機詞也

立碑稱樹馮本紀孝碑先天元年歲次壬子十一月景寅朔日壬申樹也

墓誌稱誌文大薦福寺思恆律師墓誌題蓋是也  
碑禮也變稱孝也代國長公主碑陪葬橋陵孝也

按碑爲駙馬都尉鄭萬鈞撰男聰書蓋夫撰妻文子書母碑故有是稱非通例也

書碑稱寫大溫國寺進法師塔銘題署是也  
謚有謚法所無者容州都督元結表墓碑序門人謚曰太先生謚法蓋無太字

稱名加一曰字北嶽恆山安天王銘序常樂安公曰祿山國之英也下武威賈公曰循時之傑也

按此例又見庾賁德政頌等碑

撰碑稱述三教道場文碑題署是也



君爲臣製文稱頌贈太尉宋璟神道碑側記方欲陳乞御製碑頌也

書人署名自稱逸士見易州刺史田琬德政碑刻石稱碑板丁思禮鑿心經碑記尅爲碑板也名與字同者並稱之慈州刺史汪履清神道碑君諱履清字履清京兆萬年人也

婦人稱號不稱諱殷府君夫人碑君號口定也

按婦人本以各行稱字稱號皆正例也

碑稱題諱卽後人填諱所自祖贈太子少師徐浩神道碑題署張叔平題諱也

雙名止題一字柳宗直等華嚴巖題名元和元年三月


八日直題也

姓下稱氏復稱公陳韞墓誌額題唐故處士潁川陳氏公墓誌銘也

撰文稱述龍華寺窳堵坡塔銘題布衣高墉述也

爲人撰碑文內直稱其人之名折嗣祚碑昔先王求枚嗣祚也

按本文蓋承先王爲言明尊君也



光緒歲在強圉大淵獻相月吳縣朱記榮槐廬家塾刊  
金石稱例卷三終

金石稱例卷四

順德梁廷枏纂

吳縣朱記榮校刊

時日類

朔下書日不稱越漢敦煌長史武斑碑序建和元年太  
歲在丁亥二月朔辛巳廿三日癸卯也

碑不明稱日月韓勅造禮器碑霜月之靈皇極之日也

按詩九月肅霜書五皇極此必九月五日也

物稱壽稱紀梁瘞鶴銘鶴壽不知其紀也

卒日稱時唐淨藏禪師身塔頌天寶五載歲次丙戌十

月廿六日午時也

碑後署日稱吉旦西山廣化寺無畏不空法師塔記開

金石錄卷四  
元二十五年歲次丁丑仲秋八月吉日刊  
計年數獨稱曰夏敬愛寺大證禪師碑年六十夏十四  
蓋自天寶八年受度至寶應二年死相距十四年也  
年歲稱稔段行琛神道碑序其年於斯七十五稔也  
卒不明書月日河南府司錄盧公夫人崔氏墓誌序以  
首秋再旬旬外五日終於東都正俗里之私第也  
本年稱當年王仕倫墓誌銘序以當年八月廿九日葬  
於故朱夫人之同塋所也

二氏類

婦人自稱清信女北魏洛州鄉城老人造像碑清信女  
楊之類也

男子稱清信士劉洛真造像記清信士弟子劉洛真之  
類也

按造像題記南北朝迄隋唐爲多其名曰稱謂甚  
繁其曰佛弟子正信佛弟子皆造像人自稱者也  
其曰像主副像主東西南北四面像主發心主都  
開光明主皆出資造像者也曰塔主出資造塔者  
也曰鐘主東西南面浮圖主燈主皆出資造鐘造  
浮圖造燈者也曰化主教化主東西南北面化主  
左右藉化主大都化主都錄主坐主高坐主皆勸  
化造像者也曰邑主大都邑主東西面邑主及邑  
子邑師邑正左右藉邑正邑老邑胥邑謂邑滑邑

政邑義邑日皆邑中助緣者也至曰和上比丘比  
邱尼都維那維那典錄典坐香火沙彌門師都邑  
維那邑維那行維那左右菴維那左右菴香火皆  
稱其寺中之職也

寺主稱上座唐秦王告少林寺主教告柏谷塢少林寺  
上座寺主以下徒衆也

按寺主之稱見隆闢法師等碑上座之稱唐碑不  
可勝計此亦偶舉見例耳

釋氏碑或稱紺碣伊闕佛龕碑是用勒紺碣於不朽也  
僧年稱報齡朝鮮朗空大師塔銘報齡八十有五也  
尼死稱捨壽濟度寺大比丘尼蕭法願墓誌捨壽於濟

度寺之別院也

僧死亦稱遷形道安禪師塔記以總章元年十月七日  
遷形於趙景公寺禪院

助修橋者稱發心主小石橋碑題名大碑主發心主也  
造經幢者稱君子李端符經幢題善衆君子尊勝幢也  
僧死稱示終醴泉寺誌公碑奄然示終也

按碑多稱示滅如示終等類特舉其稍別者見例

耳

釋氏火葬稱施身法藏禪師塔序施身於終南山榿梓  
谷屍陀林由是積以香薪也

尼死或稱遷神興聖寺尼法澄塔銘序臥訖遷神春秋

九十也葬尼亦稱安神是碑序以其月廿三安神於龍首山馬頭空塔所也

釋氏葬塔亦稱身塔嵩山會善寺景賢大師身塔石記是也

按碑多稱靈塔真塔此稱蓋少異者

僧死稱謝景賢大師身塔記翌日而謝春秋六十有四也

僧母稱先慈大智禪師碑序先慈矜異遺訓出家也

釋氏稱兄中嶽永泰寺碑序九級浮圖者比丘真一敬爲故兄寺主真藏之所建也

禪師稱諱稱字稱俗姓張禪師墓誌序香山禪師諱義

琬字思靖俗姓董氏也

助財稱施主丁思禮心經碑具施主姓名如後也

尼死稱薨真化寺尼如願律師墓誌序律師薨於長安

真化寺之本院

尼年稱法夏前碑法夏五十六也

釋氏稱其支派曰系孫無憂王寺大聖真身寶塔銘序寶塔者摩伽王之系孫阿育王之首建也

尼號亦稱法號河南府押衙張詵夫人樊氏墓誌銘法號義性戒律貞明操行高潔也

僧生卒稱中元後元不稱年號楊岐山禪師乘廣碑初廣公始生之辰歲在丁巳元宗之中元終之夕歲直戊

寅當德宗之後元

按元宗德宗俱三改元元宗中元即開元也德宗後元即貞元也丁巳爲開元五年戊寅爲貞元十四年

僧之稱公皆冠以名之下一字乘廣禪師碑稱廣公之類也

釋氏徒稱承襲安國寺大達法師元秘塔碑序承襲弟子義均自政在言等克荷先業虔守遺風也

對釋氏稱俗弟子勅內庄宅使牒列名俗弟子李自遷是也

婦人稱女弟子五代漢景福寺重建思道和尚塔衆邑

人記題名女弟子武氏等類也

僧有稱小師者見周羅漢建陀羅尼幢題名


按釋氏稱謂甚繁惟小師及同學僧之稱始見此碑

僧病稱示疾死稱歸真吳龍壽院光化大師碑序於吳太和六年甲午歲杪夏十一日示疾松堂迨於中秋二十八日夜子時歸真丈室也

光緒歲在強圉大淵獻相月吳縣朱記榮槐廬家塾刊  
金石稱例卷四終

續金石稱例自序

予前爲金石稱例上始商周下迄五季蓋倣歐氏集古  
錄趙氏金石錄例也旣乃病其未備復廣搜宋元舊拓  
就中可採者得若干條別爲一卷遼金附焉明人碑板  
夥而易得再續之編將俟他日己卯秋仲一日廷枏記



續金石稱例目錄

國制類

碑稱本朝為皇家

有天下之號加稱國字

紀國年號

碑頌稱世為葉

陵寢稱寢園或稱陵域

嗣位稱繼祚

上疏自稱草土臣

稱太上不繫皇帝字

姻族類

對舅稱外甥

兄弟稱同氣

對伯叔祖稱姪孫



婦人對其伯叔父稱猶子

兄弟稱季孟

先娶婦稱元娶

孫稱孫男

喪葬類

死稱違世

皇后死稱上遷

文義類

撰碑人止具官銜不稱名姓

題名稱記押

臣子頌君自稱先生而不名

撰文稱述

碑石稱温珉

號冠姓字之上

道家記文亦稱實錄

題記稱寓書

碑不先敘諱字

御製文稱聖作

撰文人自稱老拙

索文曰屬筆

幕客稱門下士

時日類

碑書時不明稱某月

時以甲乙稱者

二氏類

僧稱開上

設醮稱座

寺稱招提

為釋氏撰碑稱戒弟子

稱釋氏徒曰浮圖嗣


徒之徒曰師孫

僧年稱俗壽

徒稱小師

釋氏徒屬稱法眷

神稱老爺



續金石稱例目錄終

續金石稱例

順德梁廷枏纂

吳縣朱記榮校刊

國制類

碑稱本朝為皇家宋新修商帝中宗廟碑序皇家有天  
下之十五載也

有天下之號加稱國字保甯寺鐘款識大宋國咸平三  
年十二月十八日奉勅鑄鐘也

紀國年稱禩禪社首壇頌序沿灘御歲應鐘旅月國家  
建號之四十禩皇帝紹統之十有二載也

碑頌稱世為葉大宋敦興頌皇帝嗣明離之三葉歲在  
未月建午日丁卯

按是碑不明具年月吳氏金石存以為太祖開寶二年宋有天下十二年已三改元故稱三葉潛研堂金石跋尾謂是年五月無丁卯日定為天禧三年己未五月十一日蓋自太祖至真宗凡三葉也今按太祖及身開創不應云嗣離明也後說近是陵寢稱寢園或稱陵域永定陵修奉採石記口奉寢園又至於崇奉陵域種植松楸也嗣位稱續祚韓漸主神道碑上續祚之十五年威行德孚

上疏自稱草土臣前碑又拜疏請曰草土臣彥古謹昧死言臣之先臣世忠發身戎行

稱太上不繫皇帝字前碑太上偉其功詔樞密以功狀

頒示中外諸將

姻族類

對舅稱外甥呂至山等題名外甥進士唐受侍行

兄弟直稱同氣駙馬都尉石保吉碑序同氣三人也

對伯叔祖稱姪孫澹山巖題名姪孫蕃侍也

婦人對其伯叔父稱猶子王公儀神道碑序先娶李氏

觀察使士衡之猶子也

兄弟稱季孟范子嚴墓誌序逮歸季孟已有析煙之議

先娶婦稱元娶前碑元娶馬氏即邑人進士馬收之女

孫稱孫男遼行滿寺尼惠照建陀羅尼幢記後題出家

男口孫男口稅金奴孫女師

喪葬類

死稱違世北京韓魏公祠堂記自是每逢公生及違世之日皆來致祠及作佛事

皇后死稱上僊二陵採石記建中靖國歲在辛巳正月

乙亥欽聖憲肅皇太后上僊遺詔追尊故皇太妃為皇

太后也

文義類

撰碑人止具官銜不稱名姓宋拜文宣王廟記題給事中撰也

按碑文內云給事中徐休復承聖君之命禱神嶽

之靈知是碑為徐撰耳

題名稱記押嶽廟趙諒題名副使趙諒記押

臣子頌君自稱先生而不名大宋敦興頌署虛儀先生撰也

按宋史文苑傳有馬應者自稱先生開寶初作敦

興頌述太祖下荆湖功疑即此也

撰文稱述勸慎刑文署晁迥述也

碑石稱溫珉興元府褒城縣新修文宣王廟碑誌諸溫

珉

按諸碑皆稱真珉此獨異稱者蓋以仁宗諱改也

號冠姓字之上澹山巖題名有襄陽御塵王淦國道萊

人習隱盧波聖鄰也

道家記文亦稱實錄慶曆六年重修仙鶴觀實錄也  
題記稱寓書所真巖題名遂寓書於崖壁也

按此為豫章洪口題名缺不可識

碑不先叙諱字王公儀碑序獨於序後銘前別為銘曰  
有宋達德君子王公諱公儀字子嚴之碑是也

按范子嚴墓誌姓諱俱列序後亦金石創例也

御製文稱聖作大觀聖作之碑是也

撰文人自稱老拙妙空禪師領署宣和五年八月初三  
方山老拙書

索文曰屬筆蕪湖縣新學記屬筆於僕使為之記

幕客稱門下士和州防禦使楊從義墓誌序公預為送  
終之具託門下士朱澣昆季迹其行事編為陞除錄

時日類

碑書時不明稱某月者宋藍田縣重修文宣王廟記時  
大中祥符四年皇帝祀汾陰之月

按是月為二月

時以甲乙稱者遼燕京憫忠寺舍利函記後題大安十  
年歲次甲戌閏四月辛未朔二十二日壬辰甲時

按金衛紹王亦改元大安故帝京景物畧目遂定

為金時物然金稱大安者祇三年此云十年乃遼

道宗年號也又按遼金石文多以甲乙丙丁庚辛

壬癸乾坤艮巽代十二辰

二氏類

僧稱問士朱篆書千字文序僧夢瑛荆楚之開士也  
設醮稱座晉國大長公主設醮題記大醮一座至十一  
月三日罷也

寺稱招提保甯寺鐘樓碑記保甯寺茲邑之大招提也  
爲釋氏撰碑稱戒弟子金陵攝山栖霞寺碑文署菩薩  
戒弟子濟陽江總持撰也

稱釋氏徒曰浮圖嗣普通塔記自幼依師爲浮圖嗣長  
則能恭養父母也

按師弟師姪之稱亦見此碑

徒之徒曰師孫傳應法師行狀師孫六人


僧年稱俗壽重建光濟寺記俗壽七十有六也

徒稱小師前碑寺事委以小師洪禧日惟誦禮不忘其  
初

釋氏徒屬稱法眷金同官縣靈泉觀記師法眷孫黨存  
信繼而住持

神稱老爺大安石刻大安二年四月三十日未時老爺  
感化趙門白氏捨地建廟

按此非仙佛廟宇金石萃編以爲山神土地之祠  
說固似之今以附二氏之後



光緒歲在強圉大淵獻相月吳縣朱記榮槐廬家塾刊  
續金石稱例終

